



Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Hoe-men tot het houwelijck gaen moet.

urn:nbn:de:hbz:466:1-39385

trouwt heeft/ een hups-vrouwe oft man trouwe/
dan dat hy in oncupshedyt leue: Ghelyckt ar-
gher is/ dat de ghehouwde man sijn hups-vrou-
we verlaet/ ende eene andere trouwt/ dan dat hy
ouer-spel doet. Want daer is den wille obstinaeter
in't quaedt/ ende meer spijt wordt der hups-vrou-
wen aen-ghebaen.

M. Moghen sy oock niet houwen die in t'hey-
melijck Gode hun reynigheydt ghelouet
hebben?

D. Neen-sy: maer doen sy't/ soo is het houwe-
lyck vast/ nochtans met dood-sonde ghedaen.

M. Magh-men met gheene onghelooighe-
houwen?

D. Neen't. Want die eenen ongedoopten trouwt/
dat houwelijck en is van gheener weerden.
Trouwyt hy eenen ketter/ die gedoopt is/ soo doet
hy sonde: maer het houwelijck blijft vast.

M. Hoe moet-men tot dit Sacrament gaen?

D. 1. Met goede meyninghe: tot vermeerderinghe
der Christenen/ oft om bequamelijcker peghelyc-
ken nae sijn conditie te leuen/ ende Gode te dienen.
2. Daer na wel toe sien niemanden ten houwelijc-
ke te nemen die eenigh beletsel heeft/ oft sijns ep-
ghens niet en is. 3. Hem biechten/ ende het H. Sa-
crament des outaers ontfanghen/ veur de huyd-
loft. 4. Het houwelijck maken/ met de Priesters
benedictie. Want (daer het Concilie van Trente/
aen-gaende dese saecke/ ghepubliceert is) het hou-
welijck van gheener weerden en is/ dat niet en
gheschiedt in teghen-wordigheydt van twee oft
dry ghetupghen/ en sijns eygen Priesters/ dat is/
des Pastoors/ oft van hen Commissie hebbende.

M. Is

M. Is het consent der ouders oock van noode?

D. Goede kinders en behoozen sonder hunne ouders goeden wille / niemanden te trouwen : soo uyt reuerentie/ die sy hen schuldigh zijn : soo / om dat sy in de saecken van houwelijcken meer ver- varen zijn/ ende beteren raedt connen gheuen: soo om dat het houwelijck hen oock aen-gaet / ontfanghende daer mede eenen schoon-sone oft schoon-dochter / die hen by-avonturen moght mis-haghen : Soo ist dan wel recht / dat sy weten wat dochter oft sone sy crighen . Niet-te-min het houwelijck teghen der ouders wille oft danck ghelschiedt/ is wettelijck/ ende en can niet ontbon- den worden.

M. Wat werckt dit Sacrament in de ghene die dat behoorlijcken ontfanghen ?

D. Ten eersten/ het gheeft gracie/ om malckan- deren eerlijcken te beminnen / ende papselijck te leuen / ende om malckanderen trouwe te bewa- ren / om kinderen te ontfanghen / ende die in de vreese Godts op te voeden / ende om alle de la- sten des houwelijcks beter te verdraghen . Ten tweeden/ het bindt heur soo vast met malckande- ren/ (alst vol-braght is met het werck des hou- welijcks) dat sy van gheen creature veur de doodt en connen ontbonden worden.

M. Hoe moeten de ghehouwde personen nae t'houwelijck hen met malckanderen dra- ghen ?

D. Sy moeten malckanderen beminnen / en te teekenen der liefden met woorden ende wercken toonen / trouwe bewaren / ende alle eerbaerheyt onder-houden : De vrouwe moet haeren man veur haer hoofdt kennen/ ende in saken die t'hups ende